

*Bosna i Hercegovina*  
*Federacija Bosne i Hercegovine*  
**ZENIČKO-DOBOJSKI KANTON**  
**OPĆINA MAGLAJ**  
**OPĆINSKO VIJEĆE**

Broj: 02-05-1-1491/17  
Datum, 15.06.2017.godine



*Bosnia and Herzegovina*  
*Federation of Bosnia and Herzegovina*  
**ZENICA – DOBOJ CANTON**  
**MAGLAJ MUNICIPALITY**  
**MUNICIPAL COUNCIL**

---

PREDMET: Dostava zaključaka .-

Dostavljamo vam usvojene zaključke Općinskog vijeća sa 7. redovne sjednice održane dana 15.06.2017.godine.

**AD - 1 Informacija o toku i aktivnostima na izradi Prostornog plana općine Maglaj;**

**- Informacija o toku i aktivnostima na izradi Prostornog plana općine Maglaj se prima k znanju.**

**Z A K L J U Č A K**

- 1.1. Općinsko vijeće Maglaj daje punu podršku Nosiocu pripreme i nosiocu izrade u procesu izrade Prostornog plana.
- 1.2. Zbog velike zainteresovanosti građana i ogromnog interesa općine Maglaj tražimo da se Prostorni plan donese do kraja tekuće godine.
- 1.3. Obavezuju se Općinski načelnik i općinska Služba da u prihvatljivoj fazi izrade uključe javnost i institucije tj. da nadležna Služba uvrsti uključivanje javnosti u Plan i program izrade Prostornog plana, s ciljem informisanja javnosti i Općinskog vijeća o svim fazama izrade Prostornog plana.
- 1.4. Plan i program izrade Prostornog plana kao i Rješenje o imenovanju Savjeta plana objaviti u Službenim novinama.

**Zaduženje:** Općinski načelnik, Služba za urbanizam, geodetske i imovinsko pravne poslove.

**AD – 2 Prijedlog Odluke o usvajanju Nacrta Regulacionog plana «Groblje-Borik» u Maglaju.**

**Z A K L J U Č A K**

- 2.1. Donosi se Odluka o usvajanju Nacrta Regulacionog plana «Groblje-Borik» u Maglaju.
- 2.2. Općinsko vijeće izražava zadovoljstvo dosadašnjom dinamikom na izradi ovog dokumenta.

- 2.3. U cilju nastavka aktivnosti u skladu sa propisanim procedurama i Zakonom predložemo javni uvid od 15 dana i javnu raspravu u trajanju od 15 dana po isteku javnog uvida.
- 2.4. Nalaže se Službi da izvrši preformulaciju u članu 8. Odluke tako da glasi: «Ova Odluka stupa na snagu danom objavljivanja u «Službenim novinama Općine Maglaj».

**Zaduženje:** Služba za urbanizam, geodetske i imovinsko pravne poslove .

**AD – 3 Odluka o pristupanju djelimične izmjene Regulacionog plana «Centar Maglaj – sjeverni dio» .**

**Z A K L J U Č A K**

- 3.1. Donosi se Odluka o pristupanju djelimične izmjene Regulacionog plana « Centar Maglaj- sjeverni dio – po skraćenom postupku.
- 3.2. Općinsko vijeće traži da se prilikom izdavanja urbanističko-tehničkih saglasnosti prilikom gradnje objekata vodi računa da se ne da saglasnost na prljave tehnologije /zagađivače/, kao i da se vodi računa da se sačuvaju zdravi platani koji se nalaze pored trotoara.

**Zaduženje:** Služba za urbanizam, geodetske i imovinsko pravne poslove.

**AD – 4 Izvještaj o dostignutom stepenu usklađenosti normativnih akata Općine Maglaj sa zakonima iz oblasti prostornog planiranja, građenja i komunalnih djelatnosti /sa prijedlogom mjera.**

**Z A K L J U Č A K**

- 4.1. Usvaja se Izvještaj o dostignutom stepenu usklađenosti normativnih akata Općine Maglaj sa zakonima iz oblasti prostornog planiranja, građenja i komunalnih djelatnosti /sa prijedlogom mjera.
- 4.2. Općinsko vijeće sugeriše Službama da redovno prate donošenje propisa na višim nivoima vlasti, kako bi općinske propise blagovremeno ažurirali.
- 4.3. Prilikom predlaganja odluka Općinskom vijeću od strane nadležne službe voditi računa o prioritetima i pravnoj važnosti akata.
- 4.4. Zadužuje se Općinski načelnik da prilikom imenovanja odgovarajućih radnih grupa za pripremu akata predviđenih za donošenje, a navedenih u izvještaju, vodi računa o stručnosti i kompetentnosti imenovanih osoba, te da istim i dostavi pisana rješenja o imenovanju.
- 4.5. Zadužuje se Općinski načelnik da izda rješenje za postojeću radnu grupu, a čiji zadatak je izrada nacрта Odluke o komunalnom redu.
- 4.6. Pripremiti i odgovarajuće odluke koje tretiraju upravljanje, korištenje i održavanje nekategorisanih putnih pravaca na općini Maglaj, a u skladu sa Zakonom o cestama.

**Zaduženje:** Općinski načelnik, Služba Općinskog načelnika i Općinskog vijeća, Služba za urbanizam, geodetske i imovinsko pravne poslove, Služba za privredu, finansije i razvoj poduzetništva, Služba za BiZ, opću upravu i društvene djelatnosti, Služba Civilne zaštite.

**AD – 5 Prijedlog Odluke o pristupanju izradi Plana upravljanja otpadom na općini Maglaj.**

## Z A K L J U Č A K

- 5.1. Donosi se Odluka o pristupanju izradi Plana upravljanja otpadom na općini Maglaj.
- 5.2. Zadužuje se Općinski načelnik da prilikom formiranja Komisije uključi što više subjekata u fazi izrade, vodeći računa o stručnosti a ne političkoj pripadnosti lica koja će imenovati u ovu Komisiju. Da u sastavu ove Komisije uđu lica ekološke struke, pravnik, arhitekta itd. da bude neko iz KJD Maglaj, neko iz »Natron-Hayat«, Doma zdravlja, firme koje se bave otpadom idr.
- 5.3. Obavezuje se Općinski načelnik da izda Rješenja licima koja imenuje u Komisiju, sa određenim zadacima i rokovima.
- 5.3. Nacrt Plana uraditi do usvajanja Nacrta Budžeta kako bi se mogla predvidjeti novčana sredstva za ove aktivnosti.
- 5.4. Općinski plan upravljanja otpadom treba da bude usuglašen sa Kantonalnim planom.

**Zaduženje:** Općinski načelnik, Služba za urbanizam, geodetske i imovinsko pravne poslove.

### **AD – 6 Nacrt Odluke o određivanju prostora i objekata za javno okupljanje na području općine Maglaj**

## Z A K L J U Č A K

- 6.1. Donosi se Nacrt Odluke o određivanju prostora i objekata za javno okupljanje na području općine Maglaj.
- 6.2. Obavezuje se Općinski načelnik da sazove Forum za bezbjednost građana koji će dati svoje sugestije po pitanju ove Odluke.
- 6.3. Određuje se rok za javnu raspravu u trajanju od mjesec dana.

**Zaduženje:** Općinski načelnik, Služba za urbanizam, geodetske i imovinsko pravne poslove.

### **AD – 7 Nacrt Odluke o javnom redu i miru**

## Z A K L J U Č A K

- 7.1. Donosi se Nacrt Odluke o javnom redu i miru.
- 7.2. Određuje se javna rasprava u trajanju od mjesec dana.
- 7.3. Obavezuju se Forum za bezbjednost građana i nadležne Komisije da dostave svoje prijedloge i sugestije.
- 7.4. U skladu sa preporukom Federalnog ministarstva okoliša i turizma od 14.07.2015.godine, obavezuje se Općinski načelnik da do kraja javne rasprave donese Odluku o radnom vremenu u određenim djelatnostima kojom će se utvrditi i radno vrijeme objekata u kojima se obavlja ugostiteljska djelatnost na području općine Maglaj.

**Zaduženje:** Općinski načelnik, Forum za bezbjednost građana, Služba za urbanizam, geodetske i imovinsko pravne poslove.

### **AD – 8 Informacija o stepenu razvijenosti, obimu i stanju kanalizacione mreže na općini Maglaj**

- **Informacija o stepenu razvijenosti, obimu i stanju kanalizacione mreže na općini Maglaj, prima se k znanju.**

## Z A K L J U Č A K

8.1. Dostaviti Općinskom vijeću za jednu od narednih sjednica Informaciju o stepenu realizacije preuzimanja vodovoda Ulišnjak i Bijela Ploča od strane KJD.

Općinsko vijeće zadužuje KJD Maglaj, Općinskog načelnika i Službe da obezbijede ovu Informaciju.

8.2. Za jednu od narednih sjednica pripremiti Informaciju o kanalizacionom sistemu Bijela Ploča i Informaciju o obezbjeđivanju tehničkog minimuma za preuzimanje ovog objekta.

8.3. Uozbiljiti pristup prilikom izdavanja dozvola za priključak na kanalizacionu mrežu u gradu.

8.4. Za jednu od narednih sjednica pripremiti Odluku o kanalizaciji.

8.5. Sačiniti projekcija razvoja kanalizacionog sistema cijele općine Maglaj.

8.6. Pristupiti analizi kritičnih dionica koje su spomenute u materijalu sa prijedlogom koraka za rješavanje i započeti aktivnosti na izraditi projekta za prikupljanje fekalnih i oborinskih voda, sistema pročišćavanja.

**Zaduženje:** KJD Maglaj, Općinski načelnik, Služba za urbanizam, geodetske i imovinsko pravne poslove.

**AD – 9 Prijedlog Odluke o gubitku statusa javnog dobra u općoj upotrebi.**

## Z A K L J U Č A K

9.1. Donosi se Odluka o gubitku statusa javnog dobra u općoj upotrebi.

**Zaduženje:** Služba za urbanizam, geodetske i imovinsko pravne poslove.

**AD – 10 Rješenje o utvrđivanju prava svojine u korist Mešić (Muharem) Muhamed iz Maglaja**

## Z A K L J U Č A K

10.1. Donosi se Rješenje o utvrđivanju prava svojine u korist Mešić (Muharem) Muhamed iz Maglaj.

10.2. Općinsko vijeće utvrđuje cijenu od 70,00 KM/m<sup>2</sup>.

**Zaduženje:** Služba za urbanizam, geodetske i imovinsko pravne poslove.

**AD – 11 Prijedlog Odluke o kupovini nekretnina prihvatanju/neprihvatanju ponude, po ponudi za prodaju nekretnine podnesenoj od strane Gračić Huseina sina Mustafe iz Maglaja.**

## Z A K L J U Č A K

11.1. Donosi se Odluka o kupovini nekretnina po ponudi podnesenoj od strane Gračić Huseina sina Mustafe iz Maglaja.

11.2. Općinsko vijeće prihvata cijenu od 10,00 KM/m<sup>2</sup>.

**Zaduženje:** Općinski načelnik, Služba za urbanizam, geodetske i imovinsko pravne poslove.

**AD – 12 Informacija o provedbi Akcionog plana u oblasti socijalne zaštite i inkluzije općine Maglaj, sa osvrtom na raseljena lica i povratnike za «PUP» Projekat općine za 2016. godinu**

- **Informacija o provedbi Akcionog plana u oblasti socijalne zaštite i inkluzije općine Maglaj, sa osvrtom na raseljena lica i povratnike za «PUP» Projekat općine za 2016. godinu, prima se k znanju.**

**Z A K L J U Č A K**

- 12.1. Općinsko vijeće predlaže da se za Budžet 2018. godine predvide sredstva za angažovanje logopeda koji će biti u radnom odnosu, umjesto zaključivanja ugovora o djelu.
- 12.2. Općinsko vijeće predlaže i opciju da JU Dom zdravlja Maglaj zaključi ugovor o radu sa logopedom, a da se sredstva obezbijede u Budžetu Općine Maglaj.
- 12.3. Općinsko vijeće sugeriše da se nastavi sa pozitivnom praksom.

**Zaduženje:** Općinski načelnik, Služba za BiZ, opću upravu i društvene djelatnosti.

**AD – 13 Plan i program održavanja, sanacije i uređenja lokalnih i nerazvrstanih cesta sa finansijskim pokazateljima za 2017. godinu.**

**Z A K L J U Č A K**

- 13.1. Daje se suglasnost na Plan i program održavanja, sanacije i uređenja lokalnih i nerazvrstanih cesta sa finansijskim pokazateljima za 2017. godinu.
- 13.2. Općinsko vijeće sugeriše da se u usvojenom Planu i programu pokušaju iznaći veća od planiranih sredstava za održavanje puta Tujnica – Liješnica.
- 13.3. Općinsko vijeće sugeriše da se pristupi izgradnji autobusnog stajališta MZ Jablanica.
- 13.4. Općinsko vijeće sugeriše da se pristupi nasipanju nekategorisanog puta u Kopicama tzv. «put za malinare» koji je od izuzetne važnosti za poljoprivrednike tog kraja.
- 13.5. Općinsko vijeće sugeriše Općinskom načelniku da preduzme pravovremene mjere na sanaciji nekategorisanih puteva u MZ Ravna, a nakon prethodnih vremenskih neprilika, kao i da vodi računa o ravnomjernom ulaganju u sve mjesne zajednice po prioritetima, bez obzira što nemaju svojih predstavnika u Općinskom vijeću.
- 13.6. Općinsko vijeće sugeriše Službi za urbanizam da inicira kod Direkcije cesta ZDK nastavak izgradnje trotoara, odnosno adekvatnog pristupa školi u MZ Ulišnjak.

**Zaduženje:** Općinski načelnik, Služba za urbanizam, geodetske i imovinsko pravne poslove.

**AD – 14 Rješenje o imenovanju predsjednika i članova Upravnog odbora JU «Dječiji vrtić» Maglaj**

**Z A K L J U Č A K**

14.1. Donosi se Rješenje o imenovanju predsjednika i članova Upravnog odbora JU «Dječiji vrtić» Maglaj u sastavu:

1. Elifa Mustabašić, predsjednik, iz reda predstavnika osnivača,
2. Tatjana Bajraktarević, iz reda vijeća roditelja i
3. Amra Osmić, iz reda stručnog osoblja.

**Zaduženje:** Služba Općinskog načelnika i Općinskog vijeća, Služba za BiZ, opću upravu i društvene djelatnosti, JU Dječiji vrtić Maglaj.

**AD – 15 Rješenja o imenovanju predsjednika i članova Nadzornog odbora JP Veterinarska stanica Maglaj i Upravnih odbora:**

- JU Centar za socijalni rad Maglaj;
- JU Dom kulture «Edhem Mulabdić» Maglaj;
- JU Dom zdravlja Maglaj;
- JU Narodna apoteka Maglaj;
- JU Opća biblioteka Maglaj;

**Z A K L J U Č A K**

15.1. Donosi se Rješenje o imenovanju predsjednika i članova Nadzornog odbora JP Veterinarska stanica Maglaj u sastavu:

1. Dženana Bočić, član
2. Nada Vilić, član
3. Aida Bašić, član.

**Zaduženje:** Služba za privredu, finansije i razvoj poduzetništva, Služba Općinskog načelnika i Općinskog vijeća, JP Veterinarska stanica Maglaj

**Z A K L J U Č A K**

15.2. Donosi se Rješenje o imenovanju predsjednika i članova Upravnog odbora JU Centar za socijalni rad Maglaj u sastavu:

1. Senka Bajrić Alispahić, predsjednik
2. Jasna Hamidović, član
3. Jasmina Hasanić, član.

**Zaduženje:** Služba Općinskog načelnika i Općinskog vijeća, Služba za BiZ, opću upravu i društvene djelatnosti, JU Centar za socijalni rad Maglaj.

**Z A K L J U Č A K**

15.3. Donosi se Rješenje o imenovanju predsjednika i članova Upravnog odbora JU Dom kulture «Edhem Mulabić» Maglaj u sastavu:

1. Alma Bradarić, predsjednik
2. Zlatko Omerović, član
3. Jasmin Bilić, član.

**Zaduženje:** Služba Općinskog načelnika i Općinskog vijeća, Služba za BiZ, opću upravu i društvene djelatnosti, JU Dom kulture «Edhem Mulabdić» .

15.4. Donosi se Rješenje o imenovanju predsjednika i članova Upravnog odbora JU Dom zdravlja Maglaj u sastavu:

1. Emir Hamidović, predsjednik

2. Senaida Mahmutović, član.

**Zaduženje:** Služba Općinskog načelnika i Općinskog vijeća, Služba za BiZ, opću upravu i društvene djelatnosti, JU Dom zdravlja Maglaj .

### Z A K L J U Č A K

15.5. Donosi se Rješenje o imenovanju predsjednika i članova Upravnog odbora JU Narodna apoteka Maglaj u sastavu:

1. Senada Ćorić, predsjednik
2. Aida Osmanbegović, član.

**Zaduženje:** Služba Općinskog načelnika i Općinskog vijeća, Služba za BiZ, opću upravu i društvene djelatnosti, JU Narodna apoteka Maglaj .

### Z A K L J U Č A K

15.6. Donosi se Rješenje o imenovanju predsjednika i članova Upravnog odbora JU Narodna biblioteka Maglaj u sastavu:

1. Dženana Hadžiedhemović, predsjednik
2. Alma Mešić, član
3. Enisa Šahman, član.

**Zaduženje:** Služba Općinskog načelnika i Općinskog vijeća, Služba za BiZ, opću upravu i društvene djelatnosti, JU Narodna biblioteka Maglaj.

**AD – 16 Prijedlog za imenovanje članova Nadzornog odbora i prijedlog Odluke o davanju prethodne saglasnosti na prijedlog za imenovanje članova Nadzornog odbora KJD d.o.o. Maglaj.**

### Z A K L J U Č A K

16.1. Donosi se Odluka o davanju prethodne saglasnosti Skupštini KJD D.o.o. Maglaj za razrješenje članova Nadzornog odbora imenovanih na kraći period, radi isteka perioda na koji su imenovani.

16.2. Donosi se Odluka o davanju prethodne saglasnosti na prijedlog za imenovanje članova Nadzornog odbora KJD d.o.o. Maglaj.

16.3. Usvaja se prijedlog za imenovanje članova Nadzornog odbora KJD d.o.o. Maglaj u sastavu:

1. Armin Banjić, predsjednik
2. Jasko Obralić, član.

16.4. Donosi se Odluka o sazivanju Vanredne skupštine KJD d.o.o. Maglaj.

16.5. Donosi se Odluka o davanju ovlaštenja punomoćniku za zastupanje Općinskog vijeća Maglaj na Vanrednoj skupštini KJD d.o.o. Maglaj, te ovlašćuje Svjetlana Zamboni, predsjedavajuća Općinsko vijeća Maglaj za potpisivanje pojedinačne prijave i punomoći s obavezujućom uputom o postupcima i aktivnostima u postupku sazivanja Skupštine, učešću u radu i načinu glasanja po pojedinim tačkama dnevnog reda na Vanrednoj Skupštini KJD d.o.o. Maglaj po zakazivanju iste.

**Zaduženje:** Služba za privredu, finansije i razvoj poduzetništva, Služba Općinskog načelnika i Općinskog vijeća, JP KJD d.o.o. Maglaj

**AD – 17 Informacija o stanju zaštite od požara na području općine Maglaj u 2016. godini.**

- Informacija o stanju zaštite od požara na području općine Maglaj u 2016. godini, prima se k znanju.

**AD – 18 Inicijativa za oslobađanje plaćanja naknade pretvorbe poljoprivrednog u građevinsko zemljište nastradalih u elementarnim nepogodama poplavama i klizištima 2014.godine.**

### ZAKLJUČAK

18.1. Općinsko vijeće podržava Inicijativu za oslobađanje plaćanja naknade pretvorbe poljoprivrednog u građevinsko zemljište nastradalih u elementarnim nepogodama poplavama i klizištima 2014.godine.

18.2. Obavezuje se nadležna Služba da Inicijativu proslijedi na više instance vlasti.

**Zaduženje:** Služba za urbanizam, geodetske i imovinsko pravne poslove.

**AD –19 Inicijativa za izmjenu člana 38. Zakona o PDV.**

### ZAKLJUČAK

19.1. Općinsko vijeće podržava Inicijativu Privrednog savjeta općine Maglaj za izmjenu člana 38. Zakona o PDV koji glasi: « Poreski period koji se obračunava PDV je jedan kalendarski mjesec. Obveznik je dužan obračunati PDV za odgovarajući poreski period na osnovu ukupnog prometa dobara ili usluga iskazanih u fakturama u tom poreskom periodu».

**Prijedlog izmjene člana 38.**

Član 38. stav 2. treba da glasi: «Obveznik je dužan obračunati PDV za odgovarajući poreski period na osnovu ukupno naplaćenih dobara ili usluga iskazanih u naplaćenim fakturama u tom poreskom periodu».

**Zaduženje:** Služba za privredu, finansije i razvoj poduzetništva.

DOSTAVLJENO:

1. Svim službama;
2. Općinsko pravobranilaštvo;
3. Arhiva



PREDSJEDAVAJUĆA OV.  
Svećlana Zamboni